

全上古三代秦漢三國六朝文

全晉文卷九十八

烏程嚴可均校輯

陸機三

策問秀才紀瞻等

六首

昔三代明王、啟建洪業、文質殊制、而令名一致、然夏人尚忠、忠之
弊也、朴、救朴莫若敬、殷人革而修焉、敬之弊也、鬼、救鬼莫若文、周
人矯而變焉、文之弊也、薄、救薄則又反之于忠、然則王道之反覆、
其無一定邪、亦所祖之不同、而功業各異也、自無聖王、人散久矣、
三代之損益、百姓之變遷、其故可得而聞邪、今將反古、曰、救其弊、
明風、曰、蕩其穢、三代之制、將何所從、太古之化、有何異道、

在昔哲王、象事備物、明堂所曰、崇上帝、清廟所曰、監祖考、辟雍所
曰、班禮敎、太學所曰、講藝文、此蓋有國之盛典、爲邦之大司、亡秦
廢學、制度荒闕、諸儒之論、損益異物、漢氏遺作、居爲異事、而蔡邕

月令謂之一物將何所從

庶明亮采故時雍穆唐有命既集而多士隆周故書稱明良之歌
易貴金蘭之美此長世所曰廢興有邦所曰崇替夫成功之君勤
于求才立名之士急于招世理無世不對而事千載恆背古之興
王何道而如彼後之衰世何闕而如此

昔唐虞垂五刑之教周公明四罪之制故世歎清問而時歌緝熙
姦宄既殷法物滋有叔世崇三辟之文暴秦加族誅之律淫刑淪
胥虐濫已甚漢魏遵承因而弗革亦由險泰不同而救世異術不
得已而用之故也寬剋之中將何立而可族誅之法足爲永制與
不

夫五行迭代陰陽相須二儀所曰陶育四時所曰化生易稱在天
成象在地成形形象之作相須之道也若陰陽不調則大數不得
不否一氣偏廢則萬物不得獨成此應同之至驗不偏之明證也

今有溫泉而無寒火其故何也思問辯之曰釋不同之理

夫窮神知化才之盡稱備物致用功之極目曰之為政則黃義之

規可踵曰之革亂則玄古之風可紹然而唐虞密皇人之闢網夏

殷繁帝者之約法機心起而日進陷德往而莫返豈大樸一離理

不可振將聖人之道稍有降殺耶晉書紀

七微又作七微案此假通微大夫曰為說疑作微是

玄虛子耽性冲素雍容玄泊棄時俗而弗徇甘漁釣于一壑乃有

通微大夫怨皇后之失寶傷鴻誓之後聞榮玄黃于榛險憑穴岩

而放言

通微大夫曰奇膳玉食窮滋致豐簡犧羽族考生毛宗俯出沈鮪

仰落歸鴻剖柔胎于孕豹宰潛肝平泰龍拾朝陽之遺卵納丹穴

之飛皇神皋奇稔嘉禾之穗合滋發馨素穎玉銳初學記二十四引此四句

藥調曰充飢芳馨發而協氣書鈔一百灼若晴雪之頽玄雲皎若

□當作奇

明珠之積緇匱素蟻踊而漉漉滋芬溢而相徵雲沸淵涌秋醪春酒兼溫增奇浮藻吐秀

書鈔一百四十八

味雖濃而弗爽氣既惠而復口

介景福于眉壽裕溫克乎齊聖子能饗之乎

通微大夫曰豐屋華殿奇構磊落高宇雲覆千楹林錯仰綏瑰木俯積瑱石敷延袤之廣廡矯陵霄之高閣秀清暉乎雲表騰藻蔭之奕奕珍觀清榭岳立連行雲階飛陛仰涉窮蒼聳浮柱而虬立施飛檐曰龍翔回房旋室綴琳襲玉圖畫神仙延祐承福懸閭高達長廊迴屬于是登漸臺理俊音鏡玄牝望長林逐狡獸弋輕禽覽壯藝曰悅觀聆和樂而治心子能居之乎

通微大夫曰金石諧而齊響填巖協而和鳴于是才人進羽籥玄弁被藻襲俯紫領曰鴻歸仰矯首而鶴立激長歌于丹脣發鏗鏘乎柔木合清商曰絕節揮流徵而赴曲奏南荆之高歎詠易水之清角爾乃覩蛾眉之羣麗羌旣都而又聞矯纖腰曰述節頓皓足

于鼓盤舒妍暉曰妖詔若陵危之未安

通微大夫曰蓋聞洙北有采唐之思淇土有送子之勤關雎曰寤寐爲感漆洎曰誰浪爲歡若夫妖嬈豔女蒐羣羅俊穆藻儀于令表茂當年之柔嫒罄妍規之約練體每變而增閒秀紉製其愉愉若餘穎之可食若夫靈鬕潛徂顏退羽觴升清琴厲因清明曰宣誠流微涕而授愛纖手揮而鳴佩鏗華衿被則芳塵萃子其納之乎

通微大夫曰塗有殊而一致業有殊而名約各國委曰效績期寄響于夫人也孰與顯奇蹤于萬邦撫六轡而高遊瞰八字曰據明齊清風乎諸侯言成否泰氣作溫涼弭侵略于彊暴綜墜紀乎危邦子豈不願斯之雍容乎

通微大夫曰明主應期撫民曰德配仁風于黃唐齊威靈乎宸極彝倫幸序庶績咸又盛流風于雍俗給天民乎齊泰是曰玄靈感

而表應嘉神繁而畢觀舞唐庭之來儀鳴岐陽之鸞鷟膺天監之
 休命荷神聽之介福然聖主達持盈之寶術寤經國之在賢各畢
 榮于分屬期贊化于大鈞吾子豈不欲靡好爵于天宇顯列業乎
 帝臣歟玄虛子作而曰甚哉鄙人之惑也猶窮繩自逸于井幹憑
 河盜本于黃川欽至論敗蔽衽謹聞命于王孫或文類聚五十七
 七羨

湘陰口酌菟其澄清秋醪增一作醒明酒九成甘芬潛結書妙一

八引兩條案七羨不他見或轉寫有誤陳禹謨本連屬

上條之傳玄七誤中又應補全樂玉醪四字不敢據信

長角三倡武士旗布捺紫開之神機審心中而後射御覽三百四十八

演八代之洪旨統先聖之遺訓聳一心旨紹軻敦四教曰承丘初

鞠歌行序

序曰案漢宮門有含章鞠室靈芝鞠室後漢馬防第宅卜臨道連

閣通池鞠城糊于街路鞠歌將謂此也又東阿王詩連騎擊壤或謂蹴鞠乎三言七言言雖奇詭以名器不遇知己終不見重願逢知

己已託意焉

郭茂倩樂府

皇太子請宴詩序

感聖恩之罔極退而賦此詩也

御覽五百三十九

荅賈謐詩序

余昔爲太子洗馬魯公賈長淵已散騎常侍侍東宮積年余出補吳王郎令中元康六年入爲尚書郎魯公贈詩一篇作此詩荅之

云爾

文選

贈弟士龍詩序

余弱年夙孤與弟士龍銜卹喪庭續會逼王命墨經卽戎時竝縈髮悼心告別漸歷八載家邦顛覆凡厥同生凋落殆半收迹之日感物興哀而龍又先在四時迫當祖載二昆不容逍遙銜痛東徂

遺情西暮故作是詩曰寄其哀苦焉

陸雲集

要覽序

直省之暇乃集要術三篇上曰連璧集其嘉名取其連類中曰述聞實述余之所聞下曰析名乃搜同辨異

漢高祖功臣頌

相國鄒文終侯沛蕭何相國平陽懿侯沛曹參太子少傅留文成侯韓張良丞相曲逆獻侯陽武陳平楚王淮陰韓信梁王昌邑彭越淮南王六縣布趙景王大梁張耳韓王韓信燕王豐盧縮長沙文王吳芮荆王沛劉賈太傅安國懿侯王陵左丞相降武侯沛周勃相國舞陽侯沛樊噲右丞相曲周景侯高陽酈商太僕汝陰文侯沛夏侯嬰丞相穎陰懿侯睢陽灌嬰代丞相陽陵景侯魏傳寬車騎將軍信武肅侯靳歙大行廣野君高陽酈食其中郎建信侯齊劉敬太中大夫楚陸賈太子太傅樓嗣君辭叔孫通魏無知護

軍中尉隨何新成三老董公轅生將軍紀信御史大夫沛周苛平
國君侯公右三十一人與定天下安社稷者也頌曰

芒芒宇宙上塲下蹟波振四海虜飛五岳九服徘徊三靈改上赫
矣高祖肇載天祿沈跡中鄉飛名帝錄慶雲應輝皇階授木龍興
泗濱虎嘯豐谷彤雲晝聚素靈夜哭金精仍頽朱光已渥萬邦宅
心駿民效足堂堂蕭公王迹是因綢繆歡后無競維人外濟六師
內撫三秦拔奇夷難邁德振民體國垂制上穆下親名蓋羣后是
謂宗臣平陽樂道在變則通爰淵爰嘿有此武功長驅河朔電擊
壤東協策淮陰亞迹蕭公文成作師通幽洞冥永言配命因心則
靈窮神觀化望影揣情鬼無隱謀物無遁形武關是闢鴻門是盛
隨難榮陽卽謀下邑銷印恭廢推齊勸立運籌固陵定策東襲三
王從風五侯允集霸楚實喪皇漢凱入怡顏高覽彌翼鳳戢託迹
黃老辭世劬粒曲逆宏達好謀能深遊精杳漠神迹是尋重玄匪

奧九地匪沈伐謀先兆擠響于音奇謀六奮嘉慮四迴規主于足
離項于懷格人乃謝楚翼實摧韓王窘執胡馬洞開迎文曰謀哭
高曰哀灼灼惟陰靈武冠世策出無方思入神契奮臂雲興騰迹
虎噬凌險必夷摧剛則脆肇謀漢濱還定渭表京索既扼引師北
討濟河夷魏登山滅趙威亮火烈勢踰風埽拾代如遺偃齊猶草
二州肅清四邦咸舉乃眷北燕遂表東海克滅龍且爰取其旅劉
項縣命人謀是與念功惟德解通絕楚彭越觀時毀迹匿光人具
爾瞻翼爾鷹揚威凌楚域質委漢王靖難河濟卽宮舊梁烈烈懸
布耽耽其眇名冠強楚鋒猶駭電覩幾蟬蛻悟主革面肇彼梟風
翻爲我扇天命方輯王在東夏矯矯三雄至于垓下元凶旣夷寵
祿來假保大全祚非德孰可謀之不臧舍福取禍張耳之賢有聲
梁魏士也罔極自詒伊愧俯思舊恩仰察五緯脫迹遠難披榛來
泊改策西秦報辱北冀梓葉更輝枯條曰肄王信韓孽宅土開疆

我圖爾才、越遷晉陽、盧綰自微、嬖變我皇、跨功踰德、祚爾輝章、人之貪禍、寧爲亂亡、吳芮之王、祚由梅錚、功微勢弱、世載忠賢、肅肅荆王、董我三軍、我圖四方、殷薦其勛、庸親作勞、舊楚是分、往踐厥宇、大放淮墳、安國違親、悠悠我思、依依哲母、旣明且慈、引身伏劍、永言固之、淑人君子、寶邦之基、義形于色、憤發于辭、主亡與亡、末命是期、絳侯質木、多略寡言、曾是忠勇、惟帝攸歎、雲鶩靈仁、景逸上蘭、平代禽狝、奄有燕韓、寧亂曰武、斃呂曰權、滌穢紫宮、徵帝太原、實惟太尉、劉宗曰安、挾功震主、自古所難、勳耀上代、身終下藩、舞陽道迎、延帝幽薨、宣力王室、匪惟厥武、總于鴻門、披闔帝宇、聳顏請項、掩淚悟主、曲周之進、于其哲兄、俾率爾徒、從王于征、振威龍蛻、據武庸城、六師實因、克荼禽獸、猗歟汝陰、綽綽有裕、戎軒肇迹、荷策來附、馬煩轡殆、不釋擁樹、皇儲時乂、平城有謀、顧陰銳敏、屢爲軍鋒、奮戈東城、禽項定功、乘風藉響、高步長江、收吳引淮、光

啟于東陽陵之勳元帥是承信武薄伐揚節江陵夷王殄國俾亂
作懲恢恢廣野誕節令圖進謁嘉謀退守名都東窺白馬北距飛
狐卽倉敖庾據險三塗輜軒東踐漢風載徂身死于齊非說之辜
我皇實念言祚爾狐建信委輅被褐獻寶指明周漢銓時論道移
帝伊洛定都鄴鎬柔遠鎮邇實敬攸考抑抑陸生知言之貴往制
勁越來訪皇漢附會平勃夷凶翦亂所謂伊人邦家之彥百王之
極舊章靡存漢德雖朗朝儀則昏稷嗣制禮下肅上尊穆穆帝典
煥其盈門風睇三代憲流後昆無知淑敏獨昭奇迹祭倬蕭相朕
同師錫隨何辯達因資于敵紆漢被楚唯生之績皤皤道叟謀我
平陰三軍縞素天下歸心袁生秀朗沈心善照漢旆南振楚威自
撓大略淵回元功響效逆哉惟人何識之妙紀信誑項輜軒是乘
攝齊赴節用死孰懲身與煙消名與風興周苛慷慨心若懷冰刑
可曰暴志不可沒貞軌借沒亮迹雙升帝疇爾庸後嗣是膺天地

雖順王心有違懷親望楚永言長悲侯公伏軾皇媼來歸是謂平國寵命有輝震風過物清濁效響大人于興利在攸往弘海者川崇山惟壤韶護錯音袞龍比象明明眾哲同濟大綱劍宣其利鑒獻其朗文武四充漢祚克廣悠悠遐風千載是仰

文進

孔子贊

孔子歆聖配天弘道風扇玄流思探神寶明發懷周興言謨老靈魄有行言觀蒼昊清歌先誠丹書有造

藝文類聚卷二十

王子喬贊

造形靈岳顧景忘歸乘雲倏忽飄飄紫微

藝文類聚卷七十八

夏育贊

夏育之猛千載所希申博角勇臨領奮椎

文選附錄賦注

顧譚傳

宣太子正位東宮天子方隆訓導之義妙簡俊彥講學左右時四

方之傑畢集太傅諸葛恪等雄奇蓋眾而譚曰清識絕倫獨見推重自太尉范曄謝景羊微之徒皆曰秀稱其名而悉在譚下

吳志顧譚

注傳

辨亡論上

昔漢氏失御奸臣竊命禍基京畿毒偏宇內皇綱弛紊王室遂卑于是羣雄蜂駭義兵回合吳武烈皇帝慷慨下國雷發荆南權略紛紜忠勇伯世威稜則夷羿震蕩兵交則醜虜授馘遂埽清宗勅蒸煙皇祖于時雲興之將帶州綱起之師跨邑哮嘲之羣風驅熊羆之族霧集雖兵已義合同盟戮力然皆包藏禍心阻兵怙亂或師無謀律喪威稔寇忠規武節未有若此其著者也武烈既沒長沙桓王逸才命世弱冠秀發招墮遺老與之述業神兵東驅奮寡犯眾攻無堅城之將戰無交鋒之虞誅叛柔服而江外底定飾法修師而威德翕赫賓禮名賢而張昭爲之雄交御豪俊而周瑜爲

之傑。彼二君子。皆弘敏而多奇。雅達而聰哲。故同方者。已類附等。契者。已氣集。而江東蓋多士矣。將北伐。諸華誅鉏干紀。旋皇輿于夷庚。反帝座于紫閭。挾天子。已令諸侯。清天步而歸舊物。戎車旣次。羣凶側目。大業未就。中世而隕。用集我大皇帝。已奇蹤。漢于逸軌。激心發乎令圖。從政咨于故實。播憲稽乎遺風。而加之。已篤固。申之。已節儉。疇咨俊茂。好謀善斷。東帛旅于丘園。旌命交于塗巷。故豪彥。尋聲而響。臻志士。希光而影。驚異人。輻輳。猛士如林。于是張昭爲師傅。周瑜陸公魯肅呂蒙之疇。入爲腹心。出作股肱。甘寧凌統程普賀齊朱桓朱然之徒。奮其威。韓當潘璋黃蓋蔣欽周泰之屬。宣其力。風雅則諸葛瑾張承步騭。已聲名光國。政事則顧雍潘濬呂範呂岱。已器任幹職。奇偉則虞翻陸績張溫張惇。已譚議舉正。奉使則趙咨沈珩。已敏達延譽。術數則吳範趙達。已禰祥協德。董襲陳武。殺身已衛主。駱統劉基。彊諫已補過。謀無遺筭。舉不

失策故遂割據山川、跨制荆吳、而與天下爭衡矣。魏氏嘗籍戰勝之威、率百萬之師、浮鄧塞之舟、下漢陰之眾、羽楫萬計、龍躍順流、銳騎千旅、虎步原隰、謀臣盈室、武將連衡、喟然有吞江沔之志、一宇宙之氣、而周瑜驅我偏師、黜之赤壁、喪旗亂轍、僅而獲免、收迹遠遁、漢王亦馮帝王之號、率巴漢之民、乘危騁變、結壘千里、志報關羽之敗、圖收湘西之地、而我陸公亦挫之西陵、覆師敗績、困而後濟、絕命永安、續呂濡須之寇、臨川摧銳、蓬籠之戰、子輪不反、由是二邦之將、喪氣摧鋒、勢劔財匱、而吳莞然坐乘其弊、故魏人請好、漢氏乞盟、遂躋天號、開峙而立、西屠庸蜀之郊、北裂淮漢之浹、東苞百越之地、南括羣蠻之表、于是講八代之禮、苞三王之樂、告類上帝、拱揖羣后、虎臣毅卒、循江而守、長戟勁鐵、望風而奮、庶尹盡規于上、四民展業于下、化協殊裔、風衍遐圻、乃俾一介行人、撫巡外域、巨象逸駿、擾于外關、明珠瑰寶、輝于內府、珍瑰重跡而至。

奇徵應響而起，輶軒騁于南荒，銜輶息于朔野，齊民免干戈之患，戎馬無晨服之虞，而帝業固矣。大皇既歿，幼主蒞朝，奸回肆虐，景皇聿興，虔修遺憲，政無大闕，守文之良主也。降及歸命之初，典刑未滅，故老猶存，大司馬陸公，曰文武昭朝，左丞相陸凱，曰塞謬謫，規而施績，范愼，曰威重顯，丁奉鍾離斐，曰武毅稱，孟宗丁固之徒，爲公卿，婁玄賀劭之屬，掌機事，元首雖病，股肱猶良，爰及末葉，羣公既喪，然後黔首有瓦解之志，皇家有土崩之變，厥命應化而微，王師蹙退而發，卒散于陣，民奔于邑，城地無藩籬之固，山川無溝阜之勢，非有工輪雲梯之械，智伯灌激之害，楚子築室之圍，燕人濟西之隊，軍未浹辰，而社稷夷矣。雖忠臣孤憤，烈士死節，將奚救哉？夫曹劉之將，非一世之選，向時之師，無曩日之眾，戰守之道，抑有前符，險阻之利，俄然未改，而成敗貿理，古今說趣，何哉？彼此之化殊，授任之才異也。

吳志孫皓傳注文選晉書
陸機傳藝文類聚十一

辨亡論下

昔三方之王也。魏入據中夏。漢氏有岷益。吳制荆揚。而有交廣。曹氏雖功濟諸華。虐亦深矣。其民怨矣。劉公因險飾智。功已薄矣。其俗陋矣。吳桓王基之。曰武。太祖成之。曰德。聰明睿達。懿度深遠矣。其求賢如不及。恤民如稚子。接士盡盛德之容。親仁罄丹府之愛。拔呂蒙于戎行。識潘濬于係獄。推誠信士。不恤人之我欺。量能授器。不患權之我逼。執鞭勒躬。曰重。陸公之威。悉委武衛。曰濟。周瑜之師。卑宮罪食。曰豐。功臣之賞。披懷虛己。曰納。謨士之策。故魯肅一面而自託。士燮蒙險而效命。高張公之德。而省游田之娛。賢諸葛之言。而割情欲之歡。感陸公之規。而除刑政之煩。奇劉基之議。而作三爵之誓。屏氣跼蹐。曰伺。子明之疾。分滋損甘。曰育。浚統之孤。登壇慷慨。歸魯肅之功。削投惡言。信子瑜之節。是曰忠臣。競盡其謀。志士咸得肆力。洪規遠略。固不厭夫區區者也。故百官苟合。

庶務未遑。初都建業。羣臣請備禮候天子。辭而不許。曰：「天下其謂朕何？」宮室興。服器慄如也。爰及中葉。天人之分既定。百度之缺粗修。雖醴化懿綱。未商乎上代。抑其體國經民之具。亦足已爲政矣。地方幾萬里。帶甲將百萬。其野沃。其民練。其財豐。其器利。東負滄海。西阻險塞。長江制其區宇。峻山帶其封域。國家之利。未見有弘于茲者矣。借使中才守之。曰：「道善人御之有術。」敦率遺憲。勤民謹政。循定策。守常險。則可以長世永年。未有危亡之患也。或曰：「吳蜀唇齒之國。蜀滅則吳亡。理則然矣。夫蜀蓋藩援之與國。而非吳人之存亡也。何則？其郊境之接。重山積險。陸無長轍之徑。川阨流迅。水有驚波之艱。雖有銳師百萬。啟行不過千夫。船艦千里。前驅不過百艦。故劉氏之伐。陸公喻之長蛇。其勢然也。昔蜀之初亡。朝臣異謀。或欲積石。曰：「險其流。」或欲機械。曰：「御其變。」天子總羣議而諮之大司馬陸公。陸公曰：「四瀆天地之所。曰節宣其氣。固無可遏之。」

理而機械則彼我之所共、彼若棄長技、已就所屈、卽荆揚而爭舟楫之用、是天贊我也、將謹守峽口、已待禽耳、逮步闢之亂、憑保城、已延疆寇、重資幣、已誘羣蠻、于時大邦之眾、雲翔電發、縣旌江介、築壘遵渚、襟帶要害、已止吳人之西、而巴漢舟師、沿江東下、陸公已偏師三萬、北據東坑、深溝高壘、案甲養威、反虜蹤跡、待戮而不、敢北闕生路、疆寇敗績宵遁、喪師大半、分命銳師三千、西禦水軍、東西同捷、獻俘萬計、信哉賢人之謀、豈欺我哉、自是烽燧罕警、封域寡虞、陸公沒而潛謀兆、吳數深而六師駭、夫太康之役、眾未盛乎、曩日之師、廣州之亂、禍有愈乎、向時之難、而邦家顛覆、宗廟爲墟、嗚呼人之云亡、邦家殄悴、不其然與、易曰、湯武革命、順乎天、又曰、亂不極則治不形、言帝王之因天時也、古人有言曰、天時不如地利、易曰、王侯設險、已守其國、言爲國之恃險也、又曰、地利不如人和、在德不在險、言守險之由人也、吳之興也、參而由焉、孫卿所

謂合其參者也。及其亡也，恃險而已。又孫卿所謂舍其參者也。夫四州之氓，非無衆也。大江之南，非乏俊也。山川之險，易守，勁利之器，易用也。先政之業，易循也。功不興而禍遽者，何哉？所已用之者失也。故先王達經國之長規，審存亡之至數，恭已，已安百姓，敦惠，已致人和，寬冲，已誘俊乂之謀，慈和，已結士民之愛，是已其安也。則黎元與之同慶，及其危也，則兆庶與之共患，安與衆同慶，則其危不可得也。危與下同患，則其難不足卹也。夫然，故能保其社稷，而固其土宇。麥秀無悲殷之恩，黍離無愍周之感矣。

陸機傳文
類聚十一

吳志孫皓傳
注文選晉書

賜進士出身一品銜廣東等處提刑按察使司按察使兼管糧餉傳事務黃岡王毓藻校刊

全晉文卷九十九

烏程嚴可均校輯

陸機

五等論

夫體國經野先王所慎創制垂基思隆後業然而經略不同長世異術五等之制始于黃唐郡縣之治創于秦漢得失成敗備在典謨是曰其詳可得而言夫王者知帝業至重天下至廣廣不可已偏制重不可已獨任任重必于借力制廣終乎因人故設官分職所曰輕其任也竝建伍長所曰弘其制也于是乎立其封疆之典裁其親疏之宜使萬國相維曰成盤石之固宗庶雜居而定維城之業又有曰見綏世之長御識人情之大方知其爲人不如厚己利物不如圖身安上在于悅下爲己存乎利人故易曰悅曰使人人忘其勞孫卿曰不利而利之不如利而後利之利也是曰分天

下曰厚樂則已得與之同憂饗天下曰豐利而已得與之共害利博而恩篤樂遠則憂深故諸侯享食土之實萬國受傳世之祚夫然則南面之君各務其政九服之內知有定主上之子愛于是乎生下之禮信于是乎結世平足曰敦風道衰足曰禦暴故彊毅之國不能擅一時之勢雄俊之人無所寄霸王之志然後國安由萬邦之思化主尊賴郡后之圖身譬猶眾目營方則天網自昀四體辭難而心胥獲又蓋三代所曰直道四王所曰垂業也夫盛衰降僣理所固有敎之廢興繫乎其人原法期于必諫明道有時而闇故世及之制弊于彊禦厚下之典漏于末折侵弱之釁遘自三季陵夷之禍終乎七雄昔成湯親照夏后之鑒公旦曰涉商人之戒文質相濟損益有物然五等之禮不革于時封畛之制有隆爾者豈翫二王之禍而閤經世之筭乎固知百世非可隱御善制不能無弊而侵弱之緣愈于殄祀土崩之困痛于陵夷也是曰經始獲

其多禍慮終取其少禍非謂侯伯無可亂之符郡縣非興化之具故國憂賴其釋位主弱惡于翬戴及承微積弊王室遂卑猶保名位祚乖後嗣皇統幽而不輟神器否而必存者豈非事勢使之然歟降及亡秦棄道任術懲周之失直矜其得尋斧始于所庇制國昧于弱下國慶獨饗其利主憂莫與共害雖速亡趨亂不必一道顛沛之釁實由孤立是蓋思五等之小怨亡萬國之大德知陵夷之可患閭土崩之爲痛也周之不競有自來矣國乏令主十有餘世然片言勤王諸侯必應一朝振矜遠國先叛故彊晉收其請隨之圖暴楚頓其觀鼎之志豈劉項之能窺關勝廣之敢號澤哉借使秦人因循其制雖則無道有與共亡覆滅之禍豈在曩日漢矯秦枉大啟王侯境土踰溢不遵舊典故賈生憂其危晁錯痛其亂是曰諸侯岨其國家之富憑其士庶之力勢足者反疾土狹者逆遲六臣犯其弱綱七子衝其漏網皇祖夷于黔徒西京病于東帝

是蓋過正之災而非建侯之累也。然呂氏之難朝士外顧，宋昌策漢必稱諸侯，逮至中葉，忌其失節，割削宗子，有名無實，天下曠然。復襲亡秦之軌矣。是曰五侯作威，不忌萬國，新都襲漢，易于拾遺也。光武中興，纂隆皇統，而由遵覆車之遺轍，養喪家之宿疾，僅及數世，姦宄充斥，卒有彊臣專朝，則天下風靡，一夫從衡，而城池自夷，豈不危哉！在周之衰，難興王室，放命者七臣，干位者三子，嗣王委其九鼎，凶族據其天邑，征鼙震于閭宇，鋒鏑流于絳闕，然禍止畿甸，害不覃及天下，晏然曰：安待危？是曰宣王興于共和，襄惠振于晉鄭，豈若二漢階閭暫擾，而四海已沸，嬖臣朝入，九服夕亂哉！遠惟王莽篡逆之事，近覽董卓擅權之際，億兆悼心，愚智同痛，然周曰之存，漢曰之亡，夫何故哉？豈世乏賢時之臣士，無匡合之志歟？蓋遠績屈于時異，雄心挫于卑勢耳。故烈士扼腕，終委寇讎之手，忠人變節，曰助虐國之桀，雖復時有鳩合同志，曰謀王室，然上

非與主下皆市人師旅無先定之班君臣無相保之志是曰義兵
雲合無救刼殺之禍眾望未改而已見大漢之滅矣或曰諸侯世
位不必常全昏主暴君有時比迹故五等所曰多亂今之牧守皆
官方庸能雖或失之其得固多故郡縣易曰爲政夫德之休明黜
陟日用長率連屬咸述其職而淫昏之君無所容過何則其不治
哉故先代有曰興矣苟或衰陵百度自悼鬻官之吏曰貨準才則
貪殘之萌皆羣后也安在其不亂哉故後王有曰之廢矣且要而
言之五等之君爲己思政郡縣之長爲吏圖物何曰徵之蓋企及
進取士子之常志修己安人良士所希及夫進取之情銳而安人
之譽遲是故侵百姓曰利己者在位所不憚損實事曰養名者官
長所夙慕也君無卒歲之圖臣挾一時之志五等則不然知國爲
己土眾皆我民民安己受其利國傷家嬰其病故前人欲曰垂後
後嗣思其堂構爲上無苟且之心羣下知膠固之義使其並賢居

政則功有厚薄。兩愚處亂。則過有深淺。然則八代之制。幾可曰一理貫。秦漢之典。殆可曰一言蔽也。

晉書陸機傳又羣書治要三十引孫盛晉陽秋

演連珠

五十首

臣聞曰薄星迴。穹天所曰紀物。山盈川冲。后土所曰播氣。五行錯而致用。四時違而成歲。是曰百官恪居。曰赴八音之離。明君執契。曰要克諧之會。

文選載文類聚五十七

臣聞任重于力。才盡則困。用廣其器。應博則凶。是曰物勝權而衡殆。形過鏡則照窮。故明主程才。曰效業。貞臣底力而辭豐。

文選

臣聞髦俊之才。世所希乏。巨國之秀。因時則揚。是曰大人基命。不擢才于后土。明主聿興。不降佐于昊蒼。

文選載文類聚五十七

臣聞世之所遺。未為非寶。主之所珍。不必適治。是曰俊乂之數。希蒙翹車之招。金碧之嚴。必辱鳳舉之使。

文選

臣聞祿放于寵。非隆家之舉。官私于親。非興邦之選。是曰三卿世

及東國多衰弊之政五侯竝軌西京有陵夷之迹

文選類文類
卷五十七

臣聞靈輝朝觀稱物納照時風夕灑程彤賦音是已至道之行萬

類取足于世大化既洽百姓無匱于心

文選類文類
卷五十七

臣聞頓網探淵不能招龍振網羅雲不必招鳳是已巢箕之叟不

昝丘園之獎洗渭之民不發傅巖之夢

文選

臣聞鑑之積也無厚而照有重淵之深目之察也有畔而眡周天

壤之際何則應事已精不巳形造物已神不巳器是已萬邦凱樂

非悅鍾鼓之娛天下歸仁非感玉帛之惠

文選類文類
卷五十七

臣聞積實雖微必動于物崇虛雖廣不能移心是已都人冶容不

悅西施之影乘馬班如不轍太山之陰

文選

臣聞應物有方居難則易藏器在身所乏者時是已充堂之芳非

幽蘭所難繞梁之音實繁絃所思

文選

臣聞智周通塞不爲時窮才經夷險不爲世屈是已淩飄之羽不

倒目應作
倒目

全晉文卷九十九

陸機

四

求反風耀夜之目不思倒目

文選藝文類聚五十七

臣聞忠臣率志不謀其報貞士發憤期在明賢是曰柳莊黜殯非貪瓜衍之賞禽息碎首豈要先茅之田

文選

臣聞利眼臨雲不能垂照朗璞蒙垢不能吐輝是曰明哲之君時有蔽塞之累俊乂之臣屢抱後時之悲

文選藝文類聚五十七

臣聞郁烈之芳出于委灰繁會之育生于絕絃是曰貞女要名于沒世烈士赴節于當年

文選

臣聞良宰謀朝不必借威貞臣衛主修身則足是曰三晉之疆屈于齊堂之俎千乘之勢弱于陽門之哭

文選

臣聞赴曲之音洪細入韻蹈節之容俯仰依詠是曰言苟適事精廔可施士苟適道修短可命

文選

臣聞因雲灑潤則芬澤易流乘風載響則音徽自遠是曰德教俟物而濟榮名緣時而顯

文選藝文類聚五十七

臣聞覽影偶質不能解網指迹慕遠無救于通是曰循虛器者非
應物之具翫空言者非致治之機

文選

臣聞鑪燧吐火曰續湯谷之晷揮翮生風而繼飛廉之功是曰物
有微而毗著事有瑣而助洪

文選

臣聞春風朝煦蕭艾蒙其溫秋霜宵墜芝蕙被其涼是故威曰齊
物爲肅德曰普濟爲弘

臣聞巧盡于器習數則貫道繫于神人亡則滅是曰輪匠肆且不
乏奚仲之妙譬叟清耳而無伶倫之察

臣聞性之所期貴賤同量理之所極卑高一歸是曰準月稟水不
能加涼晡日引火不必增輝

臣聞絕節高唱非凡耳所悲肆義芳訊非庸聽所善是曰南荆有
寡和之歌東野有不釋之辯

臣聞尋煙染芬薰息猶芳微音錄響操終則絕何則垂于世者可

繼止乎身者難結是曰玄晏之風恆存動神之化已滅

臣聞託闇藏形不爲巧密倚智隱情不足自匿是曰重光發藻尋
虛捕景大人貞觀探心昭武

臣聞披雲看霄則天文清澄風觀水則川流平是曰四族放而唐
劭二臣誅而楚寧

臣聞音曰比耳爲美色曰悅目爲歡是曰眾聽所傾非假百里之
操萬夫婉孌非俟西子之顏故聖人隨世曰擢佐明主因時而命
官

臣聞出乎身者非假物所隆牽平時者非克己所勦是曰利盡萬
物不能歡童昏之心德表生民不能救棲遑之辱

文選

臣聞動循定檢天有可察應無常節身或難照是曰望景揆日盈
數可期撫臆論心有時而謬

臣聞傾耳求音眊優聽苦澄心徇物形逸神勞是曰天殊其數雖

同方不能分其感、理塞其通、則竝質不能共其休。

臣聞、避世之士、非受苑瓜之性、幽居之女、非無懷春之情、是曰名勝欲、故偶影之操、矜窮愈達、故凌霄之節厲。

臣聞、聽極于音、不慕鈞天之樂、身足于蔭、無假垂天之雲、是曰蒲密之黎、遺時雍之世、豐沛之士、忘桓撥之君。

臣聞、飛轡西頓、則離朱與矇眴收察、懸景東秀、則夜光與武夫匿耀、是曰才換世、則俱困、功偶時而竝劬。

臣聞、示應于近、遠有可察、託驗于顯、微或可包、是曰寸管下條、天地不能曰氣、歟、尺表逆立、日月不能曰形、逃。

臣聞、絃有常音、故曲終則改、鏡無畜影、故觸形則照、是曰虛己應物、必究千變之容、挾情適事、不觀萬殊之妙、文選莪文類聚五十七

臣聞、祝敵希聲、曰諧金石之和、鼙鼓疏擊、曰節繁絃之契、是曰經治、必宣其通、圖物恆審其會。

臣聞目無瞽音之察耳無照景之神故在乎我者不詠之于己存乎物者不求備于人

文選載文類聚五十七

臣聞放身而居體逸則安肆口而食屬厭則充是曰王鮪登俎不假吞波之魚蘭膏停室不思銜燭之龍

臣聞衝波安流則龍舟不能曰漂震風洞發則夏屋有時而傾何則牽乎動則靜凝係乎靜則動貞是曰淫風大行貞女蒙冶容之悔滔化殷流盜跖挾曾史之情

臣聞達之所服貴有或遺窮之所接賤而必尋是曰江漢之君悲其墜屨少原之婦哭其亡簪

臣聞觸非其類雖疾弗應感曰其方雖微則順是曰商飈漂山不興盈尺之雲谷風乘條必降彌天之澍故暗于治者唱繁而和寡審乎物者力約而功峻

文選載文類聚五十七

臣聞煙出于火非火之和情生于性非性之適故火壯則煙微性

充則情約，是曰殷墟有感物之悲，周京無佇立之跡。

臣聞適物之技，俯仰異用，應事之器，通塞異任，是曰鳥栖雲而繳飛，魚藏淵而網沈，貴鼓密而含響，明笛疏而吐音。文選

臣聞理之所守，勢所常奪，道之所閉，權所必開，是曰生重于利，故據圖無揮劍之痛，義貴于身，故臨川有投迹之哀。文選

臣聞通于變者，用約而利博，明其要者，器淺而應玄，是曰天地之曠，該于六位，萬殊之曲，窮于五絃。

臣聞圖形于影，未盡纖麗之容，察火于灰，不覩洪赫之烈，是曰問道存乎其人，觀物必造其質。

臣聞情見于物，雖遠猶疏，神藏于形，雖近則密，是曰儀天步晷而脩短可量，臨淵撈水而淺深難察。

臣聞虐暑熏天，不滅堅冰之寒，涸陰凝地，無累陵火之熱，是曰吞縱之彊，不能反蹈海之志，漂鹵之威，不能降西山之節。

臣聞理之所開力所常達數之所塞威有必窮是曰烈火流金不能焚景沈寒凝海不能結風

臣聞足于性者天損不能入貞于期者時累不能淫是曰迅風陵雨不謬晨禽之察勁陰殺節不凋寒木之心

丞相箴

夫導民在簡爲政曰仁仁寶生愛簡亦易遵罔疏下睦禁密巧繁深文碎敍伊何能存故人不可曰不審任不可曰不忠捨賢昵讒則喪爾邦且偏見則昧專聽悔疑耳目之用亦各有期夫豈不察而帷牆隔之矜己任智是蔽是欺德無遠而不復惡何適而不追存亡日鑒成敗代陳人咸知鏡其貌而莫能照其身

藝文類聚
四十五

吳大帝詠

皇聖膺期有命太素承亂下萌清難天步御覽我皇明明固天寶生體和二合曰察三精耀暉育慶懷詳載榮率性而和因心則靈

厥靈伊何克聖克仁茂對四象克配乾坤齊明日月攷祥鬼神誕
自幼冲寂哲宿照甄化無形探景絕曜巍巍聖姿文武既俊有覺
德徵兆民欣順將熙景命經營九圉登跡岱宗班瑞舊圻上玄匪
惠早零聖暉神廬既攷史臣獻貞龍輔啟殯霄載紫庭辰旒飛藻
凶旗舉銘崇華熠燿翠蓋繁纓千乘結駟萬騎重營簫鼓振響和
瑟流聲動軫閭闔永背承明顯步萬官幽驅百靈隨化太素卽宮
杳冥億兆同慕泣血如零

藝文類聚十三

肆夏在廟雲翹承口

宋書樂志一

吳太常顧譚誄

遷吏部尚書才長于銓衡而綜核人物

文選任昉爲范曄書讓吏部第一表注

吳大司馬陸抗誄

我公承軌高風肅邁明德繼體徽旨奕世昭德伊何克俊克仁德
周能事體合機神禮交徒俟敬睦白屋蹴踏曲躬吐食揮沐爰及

鰥寡賑此惻獨字厥惠心脫轡分祿乃命我公誕作元輔位表百
辟名茂羣后因是荆人造我監宇備物典策玉冠及斧龍旂飛葆
靈鼓樹羽質文殊塗百行異轍人翫其華鮮識其實於穆我公因
心則哲經綸至道終始自結德與行滿英與言溢魏文類聚四十七

吳貞獻處士陸君誄

案機第三兄玄早卒

我聞有命天祿有秩如斯吉人而有斯疾兄弟之恩離形合氣矧
我與君非相亞逮綢繆之遊自矇及朗孩不貳音抱或同纏撫髮
竝育攜手相長行焉比迹誦必共響庶君偕老靈根克固拊翼雲
霄雙飛天路人皆年長君獨短祚穀則同朝遊矣先暮魏文類聚三十七

愍懷太子誄

明明皇子成命既駿保乂皇家載生淑胤茂德克廣仁姿朗儔當
克無疆光紹有晉如何不弔暴離咎艱曾是迷愍匪降自天肇傾
運祚遂喪華年嗚呼哀哉沈雲旣祛日月增暉靈寵可贈冤魂難

追舊物東反靈樞西歸傷我忠貞寂焉翳滅銜哀駿奔凶服就列
追慕徽塵興言斷絕敢諫遺風庶存芳烈其辭曰巍巍皇基奕奕
紫微有命旣集天祿永綏篤生太子纂德承茂平紹大烈時惟洪
胄奇穎發翹清藻在秀誕自幼蒙逮事武皇展矣太子播此瓊芳
允矣聖祖無言不臧婉變乘輿名裕德昌龍集庚戌日月改度赫
赫明明我皇登阼厥登伊何皇統是荷華拔重采翠蓋垂葩鸞旗
阿邠玉衡吐和聿來在宮體亮而誠肅雍皇極思媚紫庭亦旣涉
學遵師盛道何年之妙而察之早讜言必復乖義則攷惟天有命
太子膺之惟皇有慶太子承之當究遐年登茲胡茲緝熙有晉克
構帝宇如何晨北穢我朝聽仰索皇家惟塵明聖惴惴太子終溫
且敬銜辭卽罪掩淚祇命顯加放流潛肆鴆毒痛矣太子乃離斯
酷謂天蓋高訴哀靡告鞠躬引分顧景摧剝嗚呼哀哉凡民之喪
有戚有姻太子之歿傷無昵親踟躕嚴宮絕命禁闈幽極偏寄孤

魂曷歸。嗚呼太子。生冤歿悲。匹夫有怨。尚或殞霜。矧乃太子。萬邦
攸望。普天扼腕。率土懷傷。精感六沴。咎徵紫房。爰茲元輔。啟我令
圖。王赫斯怒。天誅靡逋。撫槍叱婦。元凶服辜。仁詔引咎。哀策東徂。
光復寵祚。紹建藐孤。于時暉服。粲焉畢陳。庭旅舊物。堂有故臣。孰
云太子。不見其人。嗚呼哀哉。既濟洛川。靈旆左迴。三軍懷裂。都邑
如隕。慨矣寤歎。念我懸懷。藝文類聚十六

毗陵侯君誄

同志奔走。戚友相尋。臨穴嗚乎。洒淚山林。

北堂書鈔一百五十八

晉劉處士參妻王氏誄

倚倚嘉穎。朝陽方翹。烈風嚴霜。殞此秀條。璇璣倏忽。四序競征。清
商激宇。蟋蟀吟樞。

吳大司馬陸公少女哀辭

冉冉睎陽。不遂其茂。畦畦芳華。凋芳落秀。遵堂涉室。髣髴興想。人

皆有聲爾獨無聲吳志卷十四

吳丞相陸遜銘

魏大司馬曹休侵我北鄙乃假公黃鉞統御六師及中軍禁衛而攝行王事主上執鞭百司屈膝吳志陸遜傳注

弔蔡邕文

彼洪川之方割豈一等之所堙故尼父之惠訓智必愚而後賢諒知道之已妙曷信道之未堅忽甯子之保已效萇淑之違天冀澄河之遠日忘朝露之短年藝文類聚四十

弔魏武帝文并序

元康八年機始曰臺郎出補著作遊乎祕閣而見魏武帝遺令愴然歎息傷懷者久之客曰夫始終者萬物之大歸死生者性命之區域是曰臨喪殯而後悲覩陳根而絕哭今乃傷心百年之際興哀無情之地意者無乃知哀之可有而未識情之可無乎機荅之

曰夫日食出乎交分山崩起于朽壤亦云數而已矣然百姓怪焉者豈不曰資高明之質而不免卑濁之累居常安之勢而終嬰傾離之患故乎夫曰迴天倒日之力而不能振形骸之內濟世夷難之智而受困魏闕之下已而格乎上下者藏于區區之木光于四表者翳乎葢爾之士雄心摧于弱情壯圖終于哀志長筭屈于短日遠迹頓于促路嗚呼豈特瞽史之異闕景黔黎之怪顛岸乎觀其所曰顧命冢嗣貽謀四子經國之略既遠隆家之訓亦弘又云吾在軍中持法是也至小忿怒太過失不當效也善乎達人之譏言矣持姬女而指季豹指示四子曰曰累汝因泣下傷哉曩曰天下自任今曰愛子託人同乎盡者無餘而得乎亡者無存然而婉變房闈之內綢繆家人之務則幾乎密與又曰吾嬖好妓人皆著銅僑臺于臺堂上施八尺牀總帳朝脯上脯糲之屬月朝十五輒向帳作妓汝等時時登銅僑臺望吾西陵墓田又云餘香可分與

諸夫人諸舍中無所爲學作履組賣也。吾歷官所得綬皆著藏中。吾餘衣裘可別爲一藏。不能者兄弟可共分之。旣而竟分焉。亡者。可曰勿求。存者可曰勿違。求與違不其兩傷乎。悲夫。愛有大而必失。惡有其而必得。智惠不能去其惡。威力不能全其愛。故前識所不用心。而聖人罕言焉。若乃繫情累于外物。畱曲念于閨房。亦賢俊之所宜廢乎。于是遂憤懣而獻弔云爾。

接皇漢之末緒。值王途之多違。佇重淵。曰育鱗。撫慶雲而遐飛。運神道。曰載德。乘靈風而扇威。摧羣雄而電擊。舉勍敵其如遺。指八極。曰遠略。必翦焉而後綏。釐三才之闕典。啟天地之禁闥。舉脩綱之絕紀。經大音之解微。埽雲物。曰貞觀。要萬途而來歸。丕大德。曰宏覆。援日月而齊暉。濟元功于九有。固舉世之所推。彼人事之大造。夫何往而不臻。將覆簣于浚谷。憐爲山乎九天。苟理窮而性盡。豈長筭之所研。悟臨川之有悲。固梁木其必顛。當建安之三八。竇

大命之所艱雖光昭于曩載將稅駕于此年惟降神之縣邈渺千載而遠期信斯武之未喪騰靈符而在茲雖龍飛千文昌非王心之所怡憤西夏已鞠旅沂秦川而舉旗踰鎬京而不豫臨渭濱而有疑冀翌日之云瘳彌四旬而成災詠歸途已反旆登峭澗而謁來次洛汭而大漸指六軍曰念哉伊君王之赫奕實終古之所難威先天而蓋世力盪海而拔山厄奚險而弗濟敵何彊而不殘每因禍已禔福亦踐危而必安迄在茲而蒙昧慮噤閉而無端委軀命已待難痛沒世而永言撫四子已深念循厲體而頽歎追營魄之未離假餘息乎音翰執姬女已嚔瘁指季豹而灌焉氣衝襟已嗚咽涕垂睫而汎瀾違率土已靖寐戢彌天平一棺容宏度之峻邈壯大業之允昌思居終而卹始命臨沒而肇揚援貞咎已甚悔雖在我而不憾惜內顧之纏綿恨末命之微許紆家人于履組塵清慮于餘香結遺情之婉孌何命促而意長陳法服于帷座陪窈

窈于玉房宣備物于虛器發哀音于舊倡矯感容曰赴節掩零淚
而薦薦物無微而不存體無惠而不亡庶聖靈之響像想幽神之
復光苟形聲之翳沒雖音景其必藏微清絃而獨奏進脯糒而誰
嘗悼總帳之冥漠怨西陵之茫茫登爵臺而羣悲貯美目其何望
既睇古已遺累信簡禮而薄葬彼裘紱于何有貽塵謫于後王嗟
大戀之所存故雖哲而不忘覽遺籍曰慷慨獻茲文而懷傷

類聚

四十

賜進士出身一品銜廣東等處提刑按察使司按察使兼管驛傳事務黃岡王毓藻校刊

全晉文卷九十九終

全晉文卷九十九

陸機

三

全晉文卷一百

烏程嚴可均校輯

陸雲

雲字士龍，機弟。孫皓時舉賢良，吳亡，十年不仕。武帝末，與兄機入洛，辟公府掾，爲太子舍人，出補浚儀令。吳王晏曰：「爲郎中令，入爲尚書郎，侍御史，太子中舍人，中書侍郎，成都王穎表爲清河內史，轉大將軍、右司馬。」又表爲使持節、大都督、前鋒將軍。河橋之敗，與兄機并誅，有陸子新書十卷，集十二卷。

歲暮賦

并序

余祇役京邑，載離永久。永寧二年春，忝寵北郡，其夏又轉大將軍、右司馬于鄴都，自去故鄉，荏苒六年，惟姑與姊，仍見背棄，銜痛萬里，哀思傷毒，而日月逝速，歲聿云暮，感萬物之旣改，瞻天地而傷懷，乃作賦，曰：「言情焉。」

夫何乾行之變通兮，昏明迭而載路。羨飛轡之遠御兮，騰六龍于天步。時赴節而漸流兮，氣移數而改度。揮促節于短日兮，振修策于長夜。運攸忽其既周兮，歲冉冉而告暮。變棘心之柔風兮，滋豐草之湛露。玄暉邈已峻服兮，黃裳皓而振素。于是顓頊御時，玄冥統官。天廟既底，日月貞觀。淪重陽于潛戶兮，微積陰于司寒。日回天弓，滅景兮。緇衝淵而無瀾，堅冰涸于川底兮。白雪隕于雲端，普區宇之瘁景兮。頻萬物之衰頹，時凜戾其可悲兮。氣蕭索而傷心，淒風愴其鳴條兮。落葉翻而灑林，獸藏丘而絕迹兮。鳥攀木而栖音，山振枯于曾嶺兮。民懷慘于重襟，寒與暑其代謝兮。年冉冉其將老，豐顏睦而朝口兮。玄髮粲其夕皓，感芳華之志學兮。悲時暮而難攷，遠圖逝而辭懷兮。密思集而盈抱，羨厚德之溥載兮。嘉豐化之大造，恨盛來之苦晏兮。悲衰至之常蚤，指晞露而怵心兮。衍死生于靡草，蒙時來之嘉運兮。遊上京而凱入，委乘輅于紫宮兮。

剖金虎而底邑，憑臺光之發暉兮。荷寵靈而來集，望改時之迴遡兮。泝南風而頽泣，長歎息而永懷兮。感逝物而傷悲，哀年歲之攸往兮。伊行人之思歸，結隆思于朝日兮。綴永念于紀暉，表寸陰而貞吝兮。盼盈尺其若遺，嗟我行之久永兮。何歸途之茫茫，憩遵渚于口川兮。呵攸逝于江湘，處孝敬于神丘兮。結祇慕于惟桑，瞻山川而物存兮。思六親而人亡，問仁姑而背世兮。及伯姊而淪喪，尋餘蹤于空宇兮。想絕景于遺堂，悲山林之杳藹兮。痛華構之丘荒，靖深情曰遐慕兮。思纏綿而懷楚，涕垂頤曰交頽兮。哀淩心而洞駭，神尋路而窘逝兮。形嘖蹙乎其所，心悠悠其若懸兮。音既絕而復舉，悲人生之有終兮。何天造而罔極，仰悲谷之方中兮。顧懸車而日昃，百年迅于分攄兮。千歲疾于一息，詠大椿之萬祀兮。同蜣蛄于未識，歲難停而易逝兮。情艱多而泰寡，年有來而棄予兮。時無算而非我，

文選謝叔源遊西池詩注

祇生心于日順兮，雖呼翕其難假，攝貳

生于逆旅兮，欲掩留其焉可。彼鑒寐之有時兮，亦始卒之固然。舒
遠懷于千載兮，悵同感乎中山。鑒通人之炯戒兮，懼晏平之達言。
啟貞心以自責兮，覽遺籍而問道。亮爽鳩之既徂兮，故營丘之有
紹。在吾儕之陋心兮，豈取樂于東表。苟長生而自得兮，將奚待而
有夭。攷大德于天地兮，知斯言之益矯。本集入略見藝文類聚三
初學記三御
文選謝叔源遊西池詩注

愁霖賦

永盛三年夏六月，鄴都大霖。旬有奇日，稼穡沈湮，生民愁瘁。時文
雅之士，煥然竝作，同僚見命，乃作賦曰：

在朱明之季月兮，反極陽于重陰。興介丘之膚寸兮，墜崩雲而洪
沈。谷風扇而攸遠兮，苦雨播而成淫。天決滂以懷慘兮，民頌蹙而
愁霖。于是天地發揮，陰陽交激。萬物混而同波兮，玄黃浩其無質。
雷憑虛以振庭兮，電凌闕而耀室。雷鼎沸以駿奔兮，潦風驅而競

疾豈南山之暴隣兮。將溟海之壑溢。隱隱填填。若降自天。高岸渙
其無雌兮。平原蕩而爲淵。迴渚回于淩河兮。黍稷什于中田。賸多
稼于億廩兮。虛風敬于新年。外薄郊甸。內荒都城。陰無晞景。雷無
輟聲。纖波靡于前途兮。微津隔于峻庭。紛雲擾而霧寒兮。漫天顧
而地盈。于是愁音比屋。歎發屢省。陽堂乏暉。明室無景。望曾雲之
萬仞兮。想白日之寸脛。感虛無而思深兮。對寂漠而言靖。毒甚雨
之未晞兮。悲夏日之方永。瞻大辰而頽息兮。仰天衢而引領。愁情
沈疾。明發哀吟。永言有懷。感物傷心。結南枝之舊思兮。詠莊舄之
遺音。羨弁彼之歸飛兮。寄子思乎江陰。渺天末已流目兮。涕潺湲
而沾襟。何人生之倏忽。痛存亡之無期。方于歲于天壤兮。吾固已
陋夫靈龜。矧百年之促節兮。又莫登乎期頤。哀感容之易感兮。悲
懽顏之難怡。攷傷懷于眾苦兮。愁豈霖之足悲。雲墨墨而疊結兮。
雨淫淫而未散。晞朱陽于崇朝兮。悲此日之屢晏。劾豐隆于岳陽。

今執赤松于神館命雲師已藏用兮繼乘龍于河漢照濛汜之清
暉兮炳扶桑之始旦攷幽明于人神兮妙萬物已達觀本集入略見藝文類

二聚

喜霽賦 并序

余既作愁霖賦雨亦霽昔魏之文士又作喜霽賦聊廊作者之末

而作是賦焉

案初學記二作永寧二年都大霖作愁霖賦賦成大雨已霽故又作喜霽賦

毒霖雨之淹時兮情懷憤而無懌肅有禱于人謀兮反極陰于天

作靖屏翳之洪隄兮戢大山之觸石凌風絕而謐寧兮歸雲反而

揮霍改望舒之離畢兮曜六龍于紫閣揚天步之剡剡兮播靈輝

之赫奕于是朱明自晞

藝文類聚作厥條初學記作日皎

凱風來南復火正之舊

司兮黜后土于重陰夷中原之多潦兮反高岸于嵩岑葵禾竦而

振穎兮偃木豎而成林嘉大田之未墜兮幸神祇之有歆爾乃俯

順習坎仰熾重離兼明暘而天地爽兮羣生悅而萬物齊魚陵淵

日增躍兮鳥望林而朝隲

初學記

水兮起芳塵于沈

泥朱光播于甕牖兮素景衍乎中閭天監作照幽明畢覲普厥有

懽覃及四國翕萬情而咸喜兮雖無獲而自得災未及害和斯有

祥翼翼黍稷油油稻粱望有年于自古兮希詩人之萬箱原思悅

于蓬戶兮孤竹欣于首陽陰陽交泰萬物方迺炎神送暑素靈迎

秋四時逝而代謝兮大火忽其西流年冉冉其易頽兮時靡靡而

難留嗟沈哀之愁思兮瞻日月而增憂感年華之行暮兮思乘煙

而遠遊命海若已量津兮吾欲往乎瀛洲臨儀天之大川兮凌懷

山之洪波瞻增城之峻極兮仰蓬萊之嵯峨望王母于弱水兮詠

白雲之清歌雖嘉命之未錫兮將輕舉于流沙振仙車之鳴鸞兮

吐玉衡之八和託芝蓋之後乘兮飡瓊林之朝華修無窮曰容與

兮豈萬載之足多

本集又略見藝文類聚二初學記二

登臺賦

永盛中、參大府、之佐于鄴郡、已時事巡行鄴宮三臺、登高有感、因
言崇替、迺作賦云、

承后皇之嘉惠兮、翼聖宰之威靈、肅言而述業兮、乃啟行乎北京、
巡華室已周流兮、登崇臺而上征、攀凌坻而遂陟兮、迄雲閣而少
盛、爾乃佇眄瑤軒、滿目綺寮、中原方華、綠葉振翹、嘉生民之亶亶
兮、望天晷之茗茗、歷玉階而容與兮、步蘭堂已逍遙、蒙紫庭之芳
塵兮、駭洞房之迴飈、頽響逝而忤物兮、傾冠舉而凌霄、曲房營而
窈眇兮、長廊邈而蕭條、于是迴路季夷、邃宇玄芒、深堂百室、會臺
千房、闢南窗而蒙暑兮、啟朔牖而履霜、遊陽堂而冬溫兮、步陰房
而夏涼、萬禽委蛇于潛室兮、驚鳳矯翼而來翔、紛譎譎于有象兮、
邈攸忽而無方、于是南征司火、朱明鬱遂、縣車式徐、曜靈西墜、暑
乘陰而增炎兮、景望淵而曖昧、翫瓊宇而情厭兮、覽八方而思銳、
陋雨館之常規兮、鄙鳴鶴之蔽第、仰凌兩于天庭兮、俛旁觀乎萬

頽止溟茫。日揚波兮。青林煥其興蔚。扶桑細于毫末。公崑崙卑乎
覆簣。于是忽焉俛仰。天地既闕。空山同區。萬物爲一。原千變之常
鈞兮。齊億載于今日。彼區中之側陋兮。非吾黨之一室。本達觀于
無形兮。今何求而有質。于是聊樂近遊。薄言懷作。朝登金虎。夕步
文昌。綺疏列于東序。朱戶立乎西廂。經綈帷兮披藻兮。椒塗馥而
遺芳兮。感舊物之咸存兮。悲昔人之云亡。憑虛檻而遠想兮。審歷命
于斯堂。于是精疲遊倦。白日藏輝。鄙春登之有情兮。惡則臺之忘
歸。聊弭節而徬言兮。悵將逝而徘徊。感崇替之靡常兮。悟廢興而
永懷。隆期啟而雲升。逝運靡其如頽。長發惟祥。天鑒在晉。肅有命
而龍飛兮。跼重斯而肇建。嘉有魏之欽若兮。鑒靈符而告禪。清文
昌之離宮兮。虛紫微而爲獻。委普天之光宅兮。暨率土之黎彥。欽
哉皇之承天。集北顧于乃眷。誕洪祚之遠期兮。則斯年于有萬。
本集

又略見魏文
類聚六十二

逸民賦

并序

富貴者，是人之所欲也。而古之逸民，或輕天下，細萬物，而欲專一
己之歡，擅一壑之美，豈不曰身重于宇宙，而恬貴于紛華者哉？故
天地不易其樂，萬物不干其志，然後可曰妙有生之極，固無疆之
休也。乃爲賦曰：

世有逸民兮，栖遲于一丘。委天形曰外心兮，淡浩然其何求。陋此
世之險隘兮，又安足曰盤遊。杖短策而遂往兮，乃枕石而漱流。載
營抱魄，懷元執一。傲物思靈，妙世自逸。靜芬響于永言兮，滅絕景
于無質。相荒土而卜居兮，度山阿而攷室。留丘翳薈，穹谷重深。叢
木振穎，葛藟垂陰。潛魚泳沚，嚶鳥來吟。仍疏圃于芝薄兮，卽蘭堂
于芳林。靡飛颺目赴節兮，揮天籟而興音。假樂土于神造兮，詠幽
人于鳴琴。挹迴源于別沼兮，食秋華于高岑。濛玉泉曰濯髮兮，臨
濬谷御覽作濬金谷而投簪。寂然尸居，儼焉山立。邇潛龍見在林鳳戢，遁

歸野曰宅心望空巖而凱入明發悟歌有懷在昔賓濮水之清淵
兮儀磻溪之一壑。聳萬物之誼譁兮聊漁釣于此澤。爾乃薄言容
與式宴盤桓。朝挹芳露夕飭幽蘭。眇區外而放志兮眷天路而怡
顏。望靈嶽之清景兮想佳人于雲端。悲滄浪之濁波兮泳芳池之
清瀾。鄙終南之辱節兮躋伯陽之考槃。阿清霄曰寄傲兮沂淩風
而頽歎。玄微載吳何思何欲。漂若行雲之浮泊若窮林之木。咨有
得之必喪兮蓋居龐之名辱。彼貪夫之死權兮固遺生曰要祿竦
戰兢而履冰兮祇肅懷曰臨谷。亮據鼎之無慄兮在顛沛其必渥。
是故夫形魂者徵咎體壯者爲犧。雖明文而籠藻兮終俛首而受
羈。立修名于禍始兮登全生于戾階。資朝華之促節兮抱千載之
長懷。擠考終于遠期兮顧靈根而自摧。殉有喪之假樂方無身其
孰哀。美達人之玄覽兮邈藏器于無爲。物有自遺道無不可。萬殊
有同齊物無算。竝家于國等朝于野。榮在此而貴身兮神居形而

全晉文卷一百

六

忘我欽妙古之達言兮信懷莊而悅賈僧既明于天爵兮口何憒
于人禍陋國風之皇恤同明哲于大雅亂曰乘白駒兮皎皎遊穹
谷兮謁謁尋峻路兮崢嶸臨芳水兮悠裔繁巨圍兮暇豫翳翠葉
兮重蓋瞻洪崖兮清輝紛容與兮雲際欲凌霄兮從之恨穹天兮
未泰詠歡友兮清唱和爾音兮此世

本集疏文類聚三十六御覽
五十六非體機誤又五百十

南征賦

并序

太安二年秋八月奸臣羊玄之皇甫商敢行稱亂凌逼乘輿天子
蒙塵于外自秋徂冬大將軍敷命辟后同恤社稷乃身統三軍曰
謀國難自義聲所及四海之內朔漠之表蒸徒羸糧而請奮胡馬
擬塞而思征四方之會眾曰百萬軍旅之盛威靈之著自古已來
未之有也粵十月軍次于朝歌講武治戎曰觀兵于殷墟于是美
義征之舉壯師徒之盛乃作南征賦曰揚匡霸之勳云爾
有皇晉之霸后資濬哲之歡聖崇文德于緝熙濟武功而保定應

天鑒之昭華。荷帝祐之休命。步玉衡。已觀八方。在璇機而齊七政。芒芒神道。化洽崇深。仰戾天飛。俯洞淵沈。振南箕。已鼓物。冒慶雲。而累蔭。恢天維。已籠世。廓宇宙而宅心。濟博施之厚德。鑑希聲之大音。淵澤回而竝注。豪彥萃而爲林。九服惟清。諸夏謐靜。肅慎回首。沙漠引領。天和時降。地靈夙挺。結芳林之奇幹。發珍禾之神穎。勵修德于億兆。端澄形于萬景。在中葉之不競。遭皇家之毒亂。悲國步之未夷。仰夙興而昧旦。括無方而大詰。集率土而貞觀。致天屬于王畿。肅有征而省難。爾乃建黃鉞之靈威。樹戎輅之高蓋。伐隱天之雷鼓。振淩霄之電旒。介天揮戈而夙興。輕武總干而啟筭。振靈韶之嘈嘈。飛旛旐之藹藹。虹旂泝風。已委蛇。霓旌蒙光而容裔。公徒十萬。其會雲興。悠悠華戎。時罔丕承。爾乃命屏翳。已夕降。式飛廉。已朝升。塗蒙雨而復清。景帶天而光澄。陪武臣于彫軒。列名僚于後乘。猛將起而虎嘯。商飈肅其來應。士憑威而響駭。馬獻

天而景浚臨川屯于廣陸武騎被乎中陵類禍比京師徒經始桓
桓先征在河之浹順彼長道懸旌千里羨王師之遵時茂七德而
發止爾乃稅駕殷墟我徒旣閑順時講武薄狩于原紛同方面類
聚煥副翼而明分祇明刑已誓眾習軍政于舊聞儼山立已崇營
粲煙駭而興紛若溟海之引回流岱靈之吐行雲于時玄冬首時
陰風戒煞山澤含哀天地肅人閑夜冽已澄清中原曠而曖昧戎
士肅而啟行三軍紛而雜遝長角哀吟已命旅金鼓隱訇而砰磕
景凌冥而四播音乘雲而上逝火烈具舉伐鼓淵淵朱光俛而丹
野炎暉仰而絳天曜靈翕赫已增熾憤氣睓悅而凌煙狂飈起而
妄駭行雲謫而芊眠旌旆翻其猗靡驚標回而嬋娟爾乃洪音雷
動清問剋廣浚雲發揮萬里振響聲馮虛而天回烈駭口而地蕩
映皓月而望舒闔照重昏而大夜朗服縣炎揚而晃儵飛烽戢煜
而泱泱乃有熊羆之旅虺闕之將雄聲泉涌逸氣風亮超三軍已

奔厲賈餘勇而成壯兆洪音于寂漠先無形而高唱紛若屯雲
若積波迺陰匿景靜言勿謹絕倡寂其既收萬夫翕而成和嚴鼓
隱而重戒景燧睡而星羅烈蒙陰而印假曜憑陽而登遐若扶桑
之振華葉皓天之散朝霞超燭龍之絕景豈比象于百華本集又
傳成都王穎與長沙王構隙遂舉兵攻洛已機行後將軍督王粹
牽秀等諸軍二十萬士能著
南征賦已美其事即此賦也

寒蟬賦

并序

昔人稱雞有五德而作者賦焉至于寒蟬才齊其美獨未之思而
莫斯述夫頭上有綏則其文也含氣飲露則其清也黍稷不享則
其廉也處不巢居則其儉也應候守常則其信也加已冠冕取其
容也君子則其操可已事君可已立身豈非至德之蟲哉且攀木
寒鳴貧士所歎余昔僑處切有感焉興賦云爾

伊寒蟬之感運迺嘉時已遊征含二儀之和氣稟乾元之清靈體

貞粹之淑質吐呼吸之哀聲希慶雲曰優遊遁太陰曰自監于是
靈岳幽峻長林參差爰蟬集止輕羽涉池清激微激德音孔嘉承
南風曰軒景附高松之二華黍稷惟馨而匪享竦身希陽乎靈和
嗾乎其音翩乎其翔容麗蜩蟬聲美宮商飄如飛爰之遺驚風眇
如輕雲之麗太陽華靈鳳之羽儀階皇都乎上京跨天路于萬里
豈蒼蠅之尋常爾乃振脩綏曰表首舒輕翅曰迅翰挹朝華之墜
露含煙熅曰夕飡望北林曰鸞飛集樛木而龍蟠彰淵信于嚴時
稟清誠乎自然翩眇微妙縣蠻其形翔林附木一枝不盈豈黃鳥
之敢希唯鴻毛其猶輕憑綠葉之餘光哀秋華之方零思鳳居曰
翹竦仰竚立而哀鳴若夫歲聿云暮上天其涼感運悲聲貧士含
傷或歌我行永久或哀之子無裳原思歎于蓬室孤竹吟于首陽
不銜草曰穢身不勤身曰營巢志高于鳴鳩節妙乎鳴鵒附枯枝
曰永處倚峻林之迴條惟雨雪之霏霏哀北風之飄颻既乃彫曰

金采圖我嘉容。珍景曜爛。暉暉華豐。奇倖黼黻。豔比蛟龍。清和明
潔。羣動希蹤。爾乃綴曰玄冕。增成首飾。纓黹翩紛。九流容翼。映華
蟲于朱袞。表聲香乎明德。于是公侯常伯。乃身披紫黻。手執龍淵。
俯鳴珮玉。仰撫貂蟬。于黃廬之多土。光帝皇之待人。騰儀像于雲
闕。望景曜乎通天。邁休聲之五德。豈鳴雛之獨珍。聊振思于翰藻。
闡令問曰長存。于是貧居之士。喟爾相與而俱歎曰。寒蟬哀鳴。其
聲也悲。四時云暮。臨河徘徊。感北門之憂殷。歎卒歲之無衣。望泰
清之巍巍。思希光而無階。簡嘉蹤于皇心。冠神景乎紫微。詠清風
曰慷慨。發哀歌曰慰懷。本集又藝文類聚九十七初
學記三十御覽九百四十四

賜進士出身二品銜廣東等處提刑按察使司按察使兼管驛傳事務黃岡王毓藻校刊

全晉文卷一百終

全晉文卷一百一

烏程嚴可均校輯

陸雲二

九愍并序

昔屈原放逐而離騷之辭興自今及古文雅之士莫不曰其情而翫其辭而表意焉遂廁作者之末而述九愍

裔皇聖之豐祐膺萬乘之多福真龍暉曰底載啟元辰而誕育攷度中曰錫命端嘉令而自肅蘭情馥曰芬香瓊懷皎其如玉希千載曰遙想邇遠思而自怡範方地而式矩儀穹天而承規結丹凝于璇璣協朱誠于四時咨中心之信修佩日月曰爲旗悲年歲之晚暮殉修名而競心仰勳華之耿暉詠三辟之遐音握遺芳而自翫挹浩露于蘭林陰雲紛曰興靈颺風起而回波黨朋淫曰惡美疾傾宮之揚娥樹椒蘭于瑤圃掩夜光于瓊華遘貞心曰誰忒毀

玉質而蒙瑕甘莠言而棄子忽遐放其若遺瞻前軌而我先顧後
乘而駕遲遭荒塗而伏軾撫鳴鸞而稱悲感瞻鳥之有集嗟離瘴
之焉歸靜沈思曰自瘁願凌雲而天飛

修身

案九愍疑九章其當篇小題皆在篇末宋刊本集誤認題在篇首而末篇遂失題

逢天怒而離紛遘時咎于惟塵端周誠曰恪居祗後命而自寅悲
讒口之罔極高離情于參辰豈三錫之又晞乃裔予于遐賓運羽
擢曰涉江浮鄂渚而駕言背夏首曰窘逝兮泝行川而永歎結風
回而薄水兮源波榮而重瀾情懷眷曰疊結舟淹流而中盤昶愁
心曰自邁肅勸人而曾驅詔河馮曰清川命湘娥而安流濟南詔
曰佇望野蕭條而振嘯獸悲號曰命旅鳥枉顧而鳴仇悲我行之
悠悠怨同懷之莫求發辰陽而往彼緣湘沅而來假亦芳樹于懸
車秣梁苗于樊馬山嵩高曰藏景雲晡霞而荒野鳥拊翼于薨巔
水回波于宇下指明星曰脈路景即陰而無旅隨長川曰問津響

修聲而和子。聽歸音已自聞。踐無迹。目窮處。雖遺愍之既多。亦顛沛其何侮。仰眾芳之遺情。希絕風之延佇。

亂曰。有鳥翻飛。集江湘兮。彼美一人。莫予將兮。念茲涉江。懷故鄉兮。生日何短。感日長兮。顧我愁景。惟永傷兮。

涉江

□□□□□積沈毒于苦心。魂憑虛已飄蕩。形息景于重陰。虎鳴。瓚已拂谷。螭回雲而結林。操土音已懷凱。涕頻代而盈襟。辭終古之舊墟。託茲邦而遙集。望龍門而屢顧。攀惟桑而祗泣。悲惠口之難狀。振枯形而獨立。撫凋容之日頹。炤炯思而弗及。聞先黎之達教。固積善于遺慶。晞明休而受言。想介福之保定。靡心貞已。祗服。泝大順而委命。君在初之嘉惠。每成言而永日。怨谷風之攸歎。彌九齡而未徹。願白獻于承閒。悲黨人之造膝。舒幽情其曷訴。卷永懷而淹恤。嗟哲士之足歎。傷邦家之殄瘁。痛靈修之匪懷。頹九

成于一匱忘大寶之勿假輕挈瓶之守器仰翦翮于凌霄俯歸飛于殢殿毀方城于秦川投江漢于泥渭悲彼黍之在郢悼宗楚之莫餽撫傷心已告哀將斯情之孰慰

悲郢

悲怨思之多感情惆悵而遠慕世玄黃而既渝心居貞而抱素冀斯氣之一清要佳人于天路攷年載已遲之悲歲聿之已暮攬豐草于朝日思先晞于湛露規法圓而天象矩則方于地形祇信順已自範邀式穀于神聽悲登魂之無抗訊貞夢而還靈悔相道而懷顧悲實蕃之已盈頓椒丘而息駕振初服而翱翔結瓊蕤之芳襟冀凌華之藻裳懷瑤林之珍秀握蘭野之芳香命巫咸已啟期訪百神而考祥靖永言已聽命欽靈諄而肅邁振華冕之玉藻樹象軒之高蓋率假翼已鳴和霓揮景而縈旒芳塵穆已煙煴彤雲起而深藹遊八極已大觀解飛轡已長想將結軌而世狹願援楫

而川廣雖我服之方壯思振策其安往舒遠懷已弭節慕世羅于
天網

亂曰猗猗芳草殖山阿兮朝日來照發豐華兮秋風蕭瑟凝霜加
兮傾葉懷春猶俟河兮

紆思

案本集先行吟後紆思審觀紆思按抽思行吟擬懷沙宋人重編誤倒耳今依九章移正

登高山已遐望悲悠處之淹流豈大川之難濟悲利涉之莫由申
修誠已底節反內鑒而自求攷余心其焉可往稽度于神謀訪斯
言已卜居想貞龜已告猷將矯翼而塗險思振清而世濁羌釋策
而評子諒不疑其何卜朝彈冠已晞髮夕振裳而濯足有懷沙已
赴淵無抱素而蒙辱愁纏餘已宅心長歎息而飲淚步江潭已仿
徨頻行吟而含瘁遇漁父之戾止興讙言而來憩雖懷芳而握瑜
懼惟塵之我穢顧虛景而端形矧同波于其醉迫伊人之逍遙聊
仰葉于林側懷達心已遠瞻怕哀顏而表色仰班荆之遺情想嘉

訊而良食若有言而未吐忽棄予而淩波揮龍榜已鼓汰遺芬響而清歌俟滄浪之濯纓悲余壽之幾何愧編心之歎淪恨爾謁之莫和捐江魚之言志營玄寢于汨羅苟懷忠而死節豈有生之足嘉

行吟

徧周流而無過悲窮思之永久聽幽荒而罔詔眷寥廓而無友沈流液于繩樞逝回颺于甕牖呼寂寞而靡應攬虛無其何有神悠悠而永念憂綢繆而盈室哀惻心而響起時棄予而景逸招逝運其難徵儀遺範而無律雖芳林之將焚豈蘭馨之可謐臨馥風于曠野思同芬而靡質命險太其靡常道離隆而匪易紆幽情而思古援在昔而立辟俟重華已同遊悲瑤圃之難適舟登陸其焉濟輪涉淵而無迹悲荒塗之既舛臨適渚而投策欲隨波已周流恨匿石之難頽將從風而卷舒悲宜矢之辭懷貞節志而玉折厲勁

心而蘭摧。喟我懷已。寤歎闕前鑒而自融。忠與邪其莫可。豈余命之所窮。俯投迹而世沔。仰晞志而道降。恥蒙所于同塵。思振輝于別風。明爽心已畢志。攷吾道已自終。

攷志

天機偏其挺蓋。玉衡運而回襄。景彌脩而日短。時愈促而夜長。和音變而改律。乘風革而爲商。感秋林之夙暮。悲芳草之中霜。存攸忽而風過。逝揮霍而雲散。方輕焱而炯遲。比收電而景宴。將愉樂已夙興。迢良日于昧旦。痛予生之不辰。逢此世之多難。將藹藹而未颺。世渾渾其難澄。風頽山已離谷。波平淵而爲陵。道曠世而朴散。化固滯而物凝。恨輜德已莫舉。悲民鮮之孰勝。景照明已妙見。音振響而攄聞。金淬堅已示斷。芑靡質而效芬。罄貞規已殉節。反蒙謫于明羣。咨小心已惴惴。悲江草之芸芸。

亂曰。乳雲晦靄。天明息兮。矰羅重設。鳳矯翼兮。梧桐逝矣。樹榛棘。

全書文卷一百一
四
兮思我芳林唱歎息兮

感逝

哀時命之險薄懷斯類已結憂手拊膺而永歎形顧景而長愁生
遺年而有盡居靜言其何須將輕舉已遠覽眇天路而高遊結垂
雲之翠虬駕琬琰之玉輿揮采旄已煙指靡華旌而電舒命日月
已清天吾將遊乎九閭命屏翳已夕降式飛廉已朝興塗蒙雨而
後清景貞暉而先登陪湘妃于彫輅列漢女已後乘瓊娥起而清
嘯神風穆其來應騑憑雲而響駭騖嘘天而景凌望紫微已振策
柵太階而遂升飛芝蓋之翼翼回雲車之嶙嶙朝總轡于扶桑夕
飲馬于天津伐河鼓已解微迄崑崙而凱振軌凌虛而遺迹塵蒙
飄而絕輪豈遠遊之無樂懷故都而傷情靡龍首已還顧轉瑤衡
而回縈泝凱風已流盼悲舊邦之穢傾眷南雲已興悲蒙東雨而
涕零凌百川而絕蹤仰濯髮于崢嶸豈沈瘁之足弭將蟬蛻于長

生

□征

痛世路之隘狹詠遂古而長悲鏡端形于三接照直影于太微祇
中懷已眷慕豈鑒寐而忘歸悼天朝之遂晦構貝錦于繁文侈南
箕已鼓物藹青陽而播芬迹同塵而攘絕景和光而天分俯隕息
于縈波仰頽歎而崩雲折若華已翳日時靡靡而難停食秋菊已
卻老年冉冉其既盈欲似翼已天飛怨會颶之我經思戢鱗已遁
沼悲沈網之在淵有河清而志得挫千載之長年擠哀響于頽風
寓悲音于絕弦嗟有生之必死固逸我已自休彼達人之遺物甘
褻裳而赴流矧余情之沈毒資有生已速憂悼居世其何戀固形
存其爲尤想百年之促期悲樂少而難多脩與短其足矣曷久沈
于汨羅投瀾漪而負石涉清湘已懷沙臨恆流而自墜蒙濬壑之
隆波接申胥于南江□□□□□鼓冕雲已攜手仰接景而登

還

□□

案此篇擬悲回風宋刊本集誤認題在篇首因刪去末一行今無從校補

國起西園第表啟宜遵節儉之制

郎中令臣雲言伏見西園大營第室雖未審節度豐儉之制然用功甚嚴竊懼事不得濟愚臣管見輒敢瞽言臣竊見世祖武皇帝臨朝淵嘿訓世已儉卽位二十有六載宮室臺榭無所新營屢發明詔厚戒豐奢國家纂承務在遵奉而世俗凌遲家競盈溢漸漬波蕩遂已成風雖嚴詔屢宣而侈俗滋廣每觀詔書眾庶歎息清河王昔起墓宅未及極偉時手詔追述先帝節儉之教懇切之旨刑于四海清河王毀壞成宅已奉詔命海內聽望咸用慙然臣慮已先帝遺教日已凌替聖上憂勤猶未之振今與國家協崇大化追闢前蹤者實在殿下先敦素朴而後可已訓正四方示民知禁竊謂第室之設可使儉而不陋凡在崇麗一宜節之已制然後上

祇帝心下允民望且自開制國之用事從節省而方于此時大造第宅又非聖意從簡之旨臣凡才殿下不召其驚聞特蒙拔擢將臣臣能有狂夫之言可召裨補聖德臣自奉職已來亦思竭忠效節臣報所受之施是臣不慮犯逆敢陳所懷如愚臣言有可采乞垂三省

本集又稱書陸雲傳有刪節

臣雲言聞一日敢獻瞽言臣干聞聽天恩未加咎責猥發明令臣伏誦聖旨奉用歎息臣聞有國者不患宮室之不崇患在令名之不立是臣賢人之在富貴莫不卑身節欲損己挹情用能保其國家令聞百世歷觀古今臣約失之者實寡臣奢失之者蓋多非天下之至德孰能居豐行儉在富能貧清儉節素自殿下家道此所召懷集四方而使兆民服者也世祖武皇帝富有四海貴爲天子居無離宮之館身御家人之服先帝豈欲臣此道止于治身而已者哉固將必欲遺訓百世貽燕子孫此因殿下所宜祇奉也昔淮

南太妃當安厝。臣兄比下墨機。時爲郎中令。從行太妃。令追稱先帝。養生送終。事從節儉。令宜奉用遺制。不事豐厚。令旨懇切。言歸于紼。清河昔起墓宅。發手詔。又還毀朝野之論。于今未已。竊已西園第宅。用功方嚴。雖知聖德節儉有素。猶復思關愚言。已補萬一。亦臣繾綣微忠。昊天罔極之誠也。至被明令。聖旨炳然。嘉承至道。奉已稱慶。不勝下情。謹疏已聞。藝文類聚卷六十四

西園第既成。有司啟觀。疏諫不可。

郎中令臣雲言。臣前啟西園第宅。宜遵先帝節儉之制。不宜使至豐麗。被命優隆。言歸謙素。臣奉已欣喜。而聞屋宇之制。既自崇侈。竊聞當復起觀六閒。既非前令之旨。且臣亦竊用不安。臣聞詩云。昊天有成命。二后受之。成王不敢康。今四祖創基。既垂成命。哲王繼體。世祖恭儉。殿下承之。固宜奉不寧。而自昔造第過度。民歎其勞瘁。士譏其過尤。謗言未弭。而又加已崇侈。此誠不可不惜。先帝

背世會未十年而儉德之亡國爲其首此又臣所已慷慨酸心而不敢不盡狂夫之諫者也案晉魏已來諸侯奢靡第室滋廣未有如國今日之甚者也古人之戒猶云無爲福始況今猶崇豐侈作爲禍先此又臣所已寤寐憂歎忘寢與食者也殿下誕膺運期首建大國固將憲章令典貽範萬世始基之制不可不慎今設爲豐奢已示將來子孫象之又何已能國且先帝勤家如彼其素殿下承之若此其泰進傷奉國之典退虧隆家之業用之當身損盛德之譽垂之後嗣非興邦之制一舉而失四得此古人之所已長太息者也且第宅之過朝野所譏而監司結舌莫敢明言者實已殿下國之昵親朝所欽重故隱司過之鋒結執靈之繩耳後世直臣必將信威明法攷制度禮愚已此觀有必毀之理苟此物不可終然誠不如不爲使其無毀也今空設過制之物而終爲直士之資臣又未見其可也唯殿下思愚臣之言時命有司必省此舉手懼

遷伏用流汗

王卽位未見賓客羣臣又未講啟宜饗宴通客及引師友文學觀書問道

郎中令臣雲言聞古之君子既盛德在身又外來諸物是已廣納俊士博觀載籍朝夕師傅夙夜勤禮賓友嘉客講義于前往古來今日聞于耳故知積德廣而流芳罔極伏惟殿下天資聰敏應期挺秀聖敬敷聞輝光日新卽位已來仍遭不造大禮雖闕哀故滋有賓客無接勤之宴師友闕講誦之禮愚臣所已寤寐永歎而私懷慷慨者也愚臣宜發通客之令使朝士有接見之緣又可時與師友文學披觀文籍坐而論道非學無已聞義非士無已行禮禮義既舉羣望允塞此臣下所已拭目思德音之發者也臣區區所懷敢冒聞

臣雲言臣前啟可與師友文學觀書論道今又天時清適正是講

誦之曰臣聞崇山之岳不厭其峻滄海之量無限于廣是曰周公
一日萬事猶復旁觀百篇孔子假期數年至于韋編三絕由是言
之雖聖之弘亦不能不求之于學也伏惟殿下明德光昭天資秀
朗方當光演文武允迪皇猷如復垂精古今之奧仰覽千載之籍
則神道微知無物不照且師友文學朝選于眾曰德來教雖豐祿
崇禮已隆其人而先王之道未簡聖聽在位累載官廢其職每聽
其言亦懷慷慨臣曰可于良日就講經學先聞大道永播芳風愚
臣區區敢獻瞽言

輿駕比出啟宜當入朝

郎中令臣雲言殿下自郎第日來既仍多哀故聖體亦恆不安和
自不朝見二宮已經年載前既比造趙軼近又自表出城至五日
問訊輒曰疾聞臣竊所未安愚曰此五日輿駕宜入朝臣聞事君
之道苟在盡規知無不爲是曰愚臣敢獻瞽言

言事者啟使部曲將司馬給事覆校諸官財用出入啟宜信君子而遠小人

郎中令臣雲言伏見令書曰部曲將李威馮南司馬吳定給事徐泰等覆校諸官市買錢帛簿率曰決咸南等治書曰下無所復司而察錢帛重寶奸吏多情出入之用誠宜使虛實當法曰防檢巧儼然臣愚曰聖德龍興光有大國選眾官材庶工肆業臣曰虛薄忝竊朝右雖質弱任重無益補察至于奉己思勤昊天罔極中尉諺大農誕皆清德淑慎恪居所司次至眾官悉州閭一介蹠闔之咎雖可日聞至于處義用情庶無大戾今咸南軍旅小人定泰士卒廝賤非有清慎素著忠公足稱今猥使此等任曰覆校大臣所關猶謂未詳咸等督察然後得信既非開國勿用之義又傷殿下推誠納下曠湯之量雖使咸能盡節益國使功利百倍至于光輔國美猶未若開懷信士之無失況咸所益不過姑息之利而名使

小人用事大道凌替此臣所已慷慨也亂之所興在于小人得親治之所廢在于君子自替廢興治亂由此而已臣備位大臣職在獻可苟有管見敢不盡規已愚宜發明令必罷此等覆察眾事一付治書則無外之度照光遠大信臨下人思盡節矣謹隨啟已聞

本集晉書
陸雲傳

國人兵多不法啟宜峻其防已整之

郎中令臣雲言國人兵放橫多行非法至使暴及市道聲聞京邑親信兵乃罵詈洛陽市丞遠近囂然聲論日廣而主者前後所報每蒙寬宥故羣小敢肆其暴虐前與駕當東時臣具已奏聞上立節度亦備嚴上下司察念在奉宣而親信率泰矯稱突關強市民物至使行道哀窮路人歎惋臣下祇命幸使罪人時獲念已泰宜加重戮已戒肅方來軍都督李嬰行實奸穢然身備王人雖不致法猶加捶楚主者奏泰依嬰決罰事寢不出而特令原泰泰之凶

狡罰至大辟。至于今日。不蒙薄罰。臣竊曰。自今羣醜虎視競爲暴虐矣。小人得志。則下凌上替。前卿顯言事大農。文旨倨傲。反成卻安。功名之士。議在不辱。而顯等恃恩。敢行侮慢。臣時列啟。并呈顯言事。事寢不省。是曰自來拱嘿。未敢多言。而竊見國法日侈。而恩宥無已。誠懼威禁遂頽。醜聲滋聞。愚謂自今宜齊之曰法。使下知禁。有司所執。猶宜時聽。不然。曰往。則監司之吏。鋒鉅靡加。而準繩替矣。臣忝竊非據。與聞國政。服事曰來。荏苒三年。初憲多違。威御無列。好問不登。而流聲播越。皆由執政之臣。官非其人。常思收迹自替。已避賢路。退惟受過。微報未效。是曰忍垢素餐。敢用文諫。唯殿下哀明。恩臣。縱繼愚臣。不曰前後干迕。多見罪責。臨紙慷慨。言不自盡。

移書太常薦同郡張瞻

蓋聞在昔聖王。承天御世。殷薦明德。思和人祖。莫不崇典。謨曰。敎

思興禮學已陶遠，是已帝堯昭煥，而道協人天。西伯質文，而周隆
二代大晉建皇，崇配天地。區夏既混，禮樂將庸。君侯應祿，運之會
贊。天人之期，博延俊茂。熙隆載典，伏見衛將軍舍人同郡張瞻，茂
德清粹，器思深通。初慕聖門，棲心重仞。啟塗及階，遂升樞奧。幽靈
匿于祕宮，披金騰于玄夏。思樂百氏，博採其珍。辭邁翰林，言敷其
藻。探微集逸，思心洞神。論道厲書，篇章光覲。含奇宰府，婆娑公門。
棲靜隱寶，淪虛藏器。襲裳襲錦，緇衣被玉。會泉改路，縣車將邁。考
槃下位，歲聿屢遷。摺紳之士，具懷愾恨。方今大清闢宇，四門啟籓。
玄網括地，天網廣羅。慶雲興已，招龍和風。起而儀鳳，誠巖穴耀穎
之秋。河津託乘之日也。而瞻沈淪下位，羣望悼心。若得端委大學，
錯綜先典。初學記二十作若得言垂纓玉階，論道紫宮。誠帝室之
瑰寶，清廟之偉器。廣樂九奏，必登昊天。之庭。韶夏六變，必饗上帝
之祀矣。晉書陸雲傳

賜進士出身二品銜廣東薛處提刑按察使司按察使兼管驛傳事務黃岡王毓藻校刊